



# ANPA COLEXIO “A PAZ” TINTUREIRA

anpatintureira@hotmail.com

662 033 385

Benqueridas familias:

Antes de nada, O ANPA do Colexio “A Paz – Tintureira” quere darvos a benvida a este novo curso escolar **2023/24**, esperamos que todos sigades ben e que puiderades desfrutar do verán.

Imos aproveitar a ocasión para presentarnos. A ANPA no colexio cumpre unha función moi importante dentro do centro. Serve de intermediaria entre o centro e as familias, representa as nais/pais no consello escolar do centro, organiza actividades abertas a todos os socios tanto extraescolares como de axuda e participación no propio centro, xestiona o servizo de madrugadores e axuda en todo o posible a mellorar o noso cole.

## VANTAXES DE SER SOCIO:

- Participación nas actividades extraescolares e madrugadores.
- Desconto noutras actividades e eventos/excursións, e posibles axudas para excursións, etc.
- Organización de festas especiais para socios (Nadal e fin de curso) e outras actividades culturais.
- Agasallos na gradación de 6º de Primaria e no Nadal
- Plataforma de apoio ante instancias educativas e organización de actividades de defensa do ensino, condicións educativas, mobilizacións, etc.

## Como facerse socio:

Ler anexo adxunto.

**IMPORTE SOCIO:** 15 € / ano/ familia - **SEGURO:** 5€ /neno/ano (Soamente para algunha das actividades)

**PRAZO para facerse socio** ata o xoves 30 de novembro de 2023

## Comunicación coa ANPA durante curso

- A través do teléfono **662 033 385** e dos grupos de Whatsapp que se crearan por cursos (soamente para os socios do anpa)
- A través do correo electrónico: [anpatintureira@hotmail.com](mailto:anpatintureira@hotmail.com)
- A través da páxina de Facebook “Anpa Tintureira Ceip A Paz” na que iremos subindo información e comunicados xerais.
- Horario de atención na oficina: todos os **venres de 9.15 a 9:45**
- **MOI IMPORTANTE:** Todas as comunicacións e/ou consultas derivadas de temas a tratar coa ANPA soamente serán xestionadas a través dos medios anteriormente descritos. Rógase encarecidamente non facelo a través dos teléfonos privados dos membros da ANPA.

## Servizo de Madrugadores

O **Servizo de Madrugadores** esta dispoñible soamente para os **nenos socios da ANPA**. É obrigatorio estar dado de alta no seguro (por neno/anual - 5 €). Se só vai a madrugadores pagar o seguro vía Tokapp.

**Monitora:** Rebeca

**Horario:** de 7:45 a 9.15

**Material:** Ningún.

Ofrécese:

- almuerzo opcional, variado e saudábel. (soamente ata as 8:30 h)
- actividades lúdicas con temática estacional.

Os nenos poden asistir de forma continuada ou en días soltos, sempre e cando sexa comunicado con anterioridade a ANPA ou á monitora, e sempre temos que ter una mínima información do neno. Así que se alguén quere facer uso deste servizo, debe solicitar e cubrir a ficha de inscrición á monitora de madrugadores.

<b>Prezos ao mes por neno:</b>			
<b>Con Almorzo:</b>		<b>Sen Almorzo:</b>	
Medio mes	27 €	Medio mes	20 €
Mes completo	42 €	Mes completo	30 €
Mes completo (Familia numerosa)	37 €	Mes completo (Familia numerosa)	25 €
Días soltos	5 €/día	Días soltos	4 €/día
		Entrada a partir das 8:55 h.	8 €/mes

Para poder asistir debes **enviarnos un whatsapp** ao número da ANPA 662033385 indicando o **nome e apelidos do neno/a, o curso no que está matriculado e que horario e servizo vai necesitar.**

O pago realizarase a través de transferencia bancaria a conta do ANPA:

(Banco Santander: **ES84 0049 0170 5422 1026 4931**), indicando o nome e apelidos do neno e o curso

#### **Actividades extraescolares**

A partir do vindeiro mes de outubro comezan as actividades extraescolares. Somos conscientes que ditas actividades non só completan a formación dos nenos e potencian a formación en valores, senón que tamén axudan a compatibilizar a vida familiar e laboral das familias, fomentan o traballo en equipo, a creatividade e o aproveitamento do tempo libre, aprendendo dunha forma máis lúdica e participativa.

O desenvolvemento das actividades ofertadas levarase a cabo sempre e cando exista un número mínimo de alumnos por actividade, marcado polos monitores das propias actividades. Durante o curso, por mor das baixas, pódese anular a actividade.

Para manter o equilibrio e, por motivos de organización, as baixas das actividades deberán de ser comunicadas sempre antes do día 25 do mes anterior.

#### **NORMAS IMPORTANTES PARA AS ACTIVIDADES EXTRAESCOLARES:**

- Ningún neno pode facer uso do servizo de madrugadores, nin das actividades extraescolares con débedas pendentes na ANPA.
- Para participar nas actividades extraescolares ou facer uso do servizo de madrugadores é imprescindible ser socio, pagar o seguro escolar (5€ /ano/neno) e notificalo previamente na ANPA.
- **Compromiso de mantemento durante o trimestre.** A inscrición nunha actividade esixe a participación continua durante un trimestre completo. No caso de baixa, debe abonarse o trimestre completo igualmente. As baixas deberán **comunicarse sempre directamente ao ANPA.** (As baixas comunicadas aos profesores das actividades non serán baixas efectivas).
- **Gardas:** A participación nas actividades implica a **realización obrigatoria dalgunha garda** durante o curso no horario das actividades (máximo unha por trimestre/familia) , que será comunicada e concretada previamente coa ANPA. A negativa reiterada a facer ditas gardas pode ser causa de baixa nas actividades.

- Os pagos realizaranse durante a **primeira semana do mes** correspondente, e faranse a través da plataforma TokAPP dende o móbil, excepto a actividade de piscina e o servizo de madrugadores que faranse a través de transferencia bancaria a conta do ANPA. E a actividade de Surf que págase directamente a DACSS Patos.
- O impago de dous meses consecutivos supón a baixa inmediata da actividade, salvo aviso por anticipado ao ANPA.
- Para inscribirse nas actividades extraescolares e poder formar os grupos das actividades débese estar rexistrado na plataforma e ter cuberto todos os datos solicitados antes do día **29 de setembro**.
- Comezo das actividades: Luns **2 de outubro**

**O incumprimento de calquera destas normas pode levar consigo a baixa do socio.**

**Actividades impartidas fora do centro escolar.**

**Natación:** Deporte completo e divertido que se realiza nas piscinas municipais de Travesas, Valadares, e Lavadores.

O nenos que xa tiñan praza de piscina o ano pasado, manteñen a praza no mesmo día e horario e deben confirmala e  **cubrir a ficha**  antes do día **19 de setembro** (poñédevos en contacto con nós a través do whatsapp da ANPA). Para solicitar **novas prazas** ou cambios nos horarios tedes que poñervos en contacto coa ANPA e anotarvos nunha lista de solicitude indicando día e horario que queredes. Para a entrega de prazas libres terán preferencia os que teñan irmáns xa no mesmo horario e despois será por orde de inscrición na ANPA.

Importe Cuatrimestre (de outubro a xaneiro): 31 €/neno

O importe do segundo cuatrimestre será comunicado en xaneiro cando no o notifiquen dende as piscina municipal.

Pago a través de transferencia bancaria a conta do ANPA:

(Banco Santander: **ES84 0049 0170 5422 1026 4931**), indicando o nome e apelidos do neno e o curso.

**Surf:** Coa colaboración da escola de surf DACSS Patos (situada na Praia de patos en Nigrán) estamos a ofrecer a posibilidade de que os nosos nenos poidan coñecer outro tipo de deportes. Dacss é un centro educacional e deportivo cunha oferta moi innovadora e cunhas instalacións perfectamente equipadas para levar a cabo todas as súas actividades durante todo o ano. Contan con todo o material de boa calidade e monitores con gran experiencia para formar novos surfistas. Cumpren con todas as normativas vixentes como licencias federativas e seguros RC privados. O curso de surf adaptase a niveles de iniciación ou perfeccionamento, con diferentes horarios a elixir. Todo o material necesario esta incluído (neopreno, táboa, licra..). Docencia personalizada (máximo 6 alumnos / monitor).

Non é necesaria experiencia previa.

- Os nenos que estén interesados en participar nesta actividade deben poñerse en contacto con nós a través do whatsapp da ANPA para solicitar prazas, para informarnos do funcionamento da actividade e confirmar os días e os horarios dispoñibles.

Dirixida a: Educación Primaria.

Cando: luns 16:30 h. Se queredes outro horario contactar con nós para concretar día e hora. Clases de 1h e media,

Importe mensual: 50€ +10 € de seguro/ano (págase directamente a DACSS Patos) (o prezo inclúe 4 clases ao mes)

Recibide un cordial saúdo  
A Xunta Directiva